

四庫全書

子部

欽定四庫全書

子部

御定淵鑑類函卷二百四十六

四
六

詳校官內閣學士_臣尹壯圖

主事_臣祁韻士覆勘

總校官進士_臣繆琪

校對官中書_臣陸湘

謄錄監生_臣龔秉震

欽定四庫全書

御定淵鑒類函卷二百四十四

人部三

生子

遺孤

生子一

增易曰主器莫若長子故受之以震 詩曰乃生男子
載寢之牀載衣之裳載弄之璋其泣嗶嗶 禮記曰妻
將生子及月辰居側室夫使人目再問之至于生子復
使人問之諸侯之禮也 又曰男子初生以桑弧蓬矢

六射天地四方 又曰大夫之子有食母士之妻自養

其子 又曰凡接子擇日冢子則大牢庶人特豚士特

豕大夫少牢國君世子大牢冢子謂天子之元子也

又曰子生三日始負 又曰子生三月之末擇日剪髮

為髻男角女羈否則男左女右注髻遺髮也 又曰三

月之末妻以子見於父夫入門升自阼階立于阼階西

鄉妻抱子出自房當楮立東面注曰自東房而出也

又曰庶人無側室生子及月辰夫出居羣室其問之與

子見父之禮無以異也注日子既生見父父必循其首也孝經曰父母生之續莫大焉尸子曰虎豹之駒雖未成文已有食牛之氣顏氏家訓曰江南風俗兒生一期為製新衣盥浴裝飾男則用弓矢紙筆女則用刀尺針縷并加飲食之物及珍寶物玩置之兒前觀其發意所取以驗貧賤愚智名之為試兒親表聚集致燕享焉自茲以後二親若在每至此日常有酒食之事焉淮南子曰不思其父無貌于心也不夢見像無形于

目也謂遺腹子

生子二

增詩曰崧高維嶽峻極于天維嶽降神生甫及申 拾
遺記曰孔子生之夜有二龍自天而下二神女擎香露
于空中以沐浴徵在有五老列于庭則五星之精也先
是有麟吐玉書于闕里人家云水精之子系哀周而為
素王徵在以繡紱繫麟角及夫子將終抱麟解紱而泣
左傳曰公衍公為之生也其母偕出公衍先生公為

之母曰相與偕出請相與偕告三日公為生其母先以

告公為為兄 又曰楚司馬子良生子越椒良兄子文

曰必殺之是子也熊虎之狀豺狼之聲不殺必滅若敖

氏矣良不可後果滅若敖氏 洞冥記東方朔父張彞

母田氏朔生三日而田氏亡時漢景帝三年也鄰母收

養之生時東方始明因以姓焉朔生五歲忽失所在經

年乃歸母見大驚曰汝行經年一歸何以慰我耶朔曰

兒暫之紫泥海海有紫水污衣仍過虞泉湔浣朝發中

還何言經年乎 晉書曰程咸字延休魏郡武安人也其母夜夢白頭公授之以藥曰服此當生貴子生咸好學有才為鍾毓主記毓弟問有可與語吏否毓乃稱咸桓溫傳曰桓溫宣城太守彝之子也生未晡太原溫嶠見之曰此兒有奇骨可試使啼聞其聲曰真英物也彝以嶠賞遂名之曰溫 博物志曰蜀郡諸山蠻曰獠子婦人妊身七月生時必須臨水兒生便置水中浮即養之沉便棄也至長皆拔去其上齒狗牙各一以為身

飾

生子三

生女 生孫 雙生 背生
胛生 胃生 遺腹並附

原徵蘭

賜穀

左傳鄭文公有賤妾燕姑夢天吏與已
蘭曰以是為而子既而文公與之蘭而

御之曰妾不才幸而有子將不信敢徵蘭
書章帝賜姓者胎教穀三斛夫復一歲著於令

後漢 贈

鯉

夢熊

家語伯魚之生也魯昭公以鯉魚賜孔
子因名曰鯉而字伯魚 下見前孕類

緩

帶

賜酒

輟梁傳一人生子三人緩帶 國語勾踐令
有婉者以告公令醫守之生男壺酒一犬生

女壺酒一豚生三人公
與之乳母二人與之餼

剪髮

生齒

上見前 家語
男子八月生齒

七歲
而齒

采芣

椒聊

詩婦人樂有子賦采采芣芣薄言
擬之又椒聊之實繁衍盈升

復歲過期

漢書民產子復二歲
下梁嬴事見孕類

增驚母宜父

左傳鄭武公娶于申曰武姜生莊公及共叔段莊公寤生驚姜氏故名寤生遂惡之五代史和峴晉宰相和

凝之子峴生會凝入翰林加金紫知貢舉凝喜曰我平生美事三者並集此子宜于我矣因名曰三美

香蘭

秀草

上見命名類
若羅漢聖人生則此

草生清淨之地第三

祖和修生時九枝

虎乳

馬嘔

左傳初若敖娶于邲生鬬伯比若敖卒從

秀草應時而生

其母育于邲子淫于邲之女生子文馬邲夫人使棄諸夢中虎乳之邲子田見之懼而歸夫人以告遂使收之

楚人謂乳殺謂虎於菟故名之曰鬬殺於菟以其女妻伯比是為令尹子文下索離國事見孕類

有

文

無影

左傳昭公三十二年史墨曰昔成季友桓之季也文姜之愛子也始震而卜卜人曰生有

嘉聞其名曰友為公室輔及生如卜人之言有文在其手曰友遂以名之風俗通陳留有富翁年九十娶田

客女為妾一接而死後生男大男謂其母曰我父年尊

無復人道一宿斯須何因得子爭財數年州郡不決丞

相丙吉言曾聞老人子無影又不耐寒可共試之時八

月取同年小兒俱解衣試之此兒獨言寒又並日中行

此兒獨無鶴雛蛇蛻山堂肆考宋楊大年初生母

影人咸服鶴雛蛇蛻章氏夢羽人自言武彝仙君

託化既生乃一鶴雛棄之江叔父曰吾聞問世之人其

生必異追視之則鶴蛻而嬰兒具焉體尚有毛其長盈

尺經月乃落邵氏聞見錄宋崇寧中大將劉法將生

其母幃帳忽墜壓而下視之一大蛇蛻蛻母怖甚避之

他所及法生再視夢星望氣唐書李太白母夢長

之但見蛇蛻耳

何感昂星之精張良感弧星之精樊噲感狼星之精而

生唐書幽州節度使劉濟評之長子初母難產既產

侍者初見是一大蛇黑氣勃勃莫不驚走及長頗異常
童所居室焚人皆驚救濟從容而出累歷牧宰及忤為

節度濟為行軍司馬忤卒軍人襲河

翔舊事請濟代父為帥朝廷從之如創生充問

慶南史范蔚宗母如廁而生蔚宗額為軌傷因小字軌
晉書賈充始生父達曰後當有充問之慶故名充

字公鹿入胎犬銜卵小說老子乘白鹿入母胎既

閭三門鼻有雙柱足蹈五字手把十文博物志徐君宮

人有孕生卵棄于水濱孤獨老母有犬名鵲倉獵于水

濱銜以歸母母覆煖之遂成小兒生時正偃故以為名

長而襲君徐國後鵲倉臨死生角而九尾實黃龍也

鳩宿戶鶴集庭唐年補錄唐王廷湊始生有鳩數

歷居戎職值亂殺田弘正推為留後子孫相繼藩鎮一

百年山堂肆考唐張九齡母夢九鶴自天而下集於

庭遂生
九齡

象臨門

獼入室

傳燈錄第十祖脅尊長者
生時父夢白象入其門背

有寶座座上有明珠

合璧事類富獻簡公曰王
荆公之生也有獼入室俄失所在後小名獼郎

原

與我同物

恐其似已

左傳子同生桓公曰是其生也
與我同物命之曰同謂同月生

也

莊子厲人生子恐其似已
夜半取火視之注厲醜人也

增黃氣入口

赤文

隱背

酉陽雜俎老君母曰元妙玉女天降元黃氣入口
而孕凝神瓊胎宮三千七百年赤明開運歲在甲

子誕于扶力蓋天西那王國鬱寥山丹元之阿山堂
肆考符堅母苟氏生堅時有神光自天燭其庭背有赤

文隱起曰

身流絳霄

胞成紫色

內傳關尹喜母夢
絳霄流遶其身遂

草付臣

生喜雙光若日飛流滿堂良久乃散
為女巫常謂人曰敬則生時胞衣紫色應得鳴鼓角人

南史王敬則母

笑曰汝子得為人吹角可笑及長而兩腋下生乳各長數寸夢騎五色獅子後果然

樹鳴異雀

庭滿慈烏

唐書崔信明以五月五日生日方中有異雀鳴集庭樹占者曰生子當以文顯位殆

不高貞觀中為秦川令卒

邵氏聞見錄邵康節母李氏臨娩有慈烏滿庭人以為瑞是日康節生七歲戲于

庭蟻穴中別見天

僧出翠微道稱懷玉

南邵新書崔慎由鎮

日雲氣往來也

西川有異人曰君四十無子為公求之終南翠微寺有僧絕粒五十年君遺以服玩受之則其嗣也果受之僧尋卒遂生子字曰緇郎崔微也山堂肆考楊大年父文逸為唐玉山令大年將生一道士袖刺來謁自稱懷玉山人冠褐秀爽斯須遽失公遂生後三十七為學士晝寢玉堂道士來謁稱懷玉山人出一牒閱之寫三十

七字大年驚曰得非數乎許添乎道士命筆一點為四十七至其數果卒

錦文龍子黃

色龜兒

干寶晉記愍帝建興三年杞罕伎人產一龍子色似錦文望之如見神光在牀上少有通視者

山堂肆考宋梅聖俞生男前一日夢道士贈龜一枚故聖俞和永叔洗兒詩夜夢有人衣帔恍水邊授我黃

龜兒明朝我婦忽在

蓐乃生男子實秀眉

鳶肩牛腹

狸色虎毛

左傳叔魚生其

母視之曰是子虎目豕喙鳶肩而牛腹谿壑可盈是不

可饗

異苑丹陽縣賂廢婦生一男一虎一狸一虎毛

色斑異牙爪皆備即殺之

匹練升天

赤身落地

後漢

書虞升初生上有物若一匹練遂上升天占者以為吉後至太尉異苑魏郡徐逮字君及婦平昌孟氏生兒

頭有一角一脚頭正仰向通

蓐室劍矢

大庭象笏

宋書李顯忠將生有僧教以劍矢置于旁及生長而勇

力絕人官至節度使又曰章得象字希言生時父夢

庭積象笏因
以得象為名

提戈取印

玉果犀錢

宋史曹彬生周歲父母以百玩

羅于前彬左手提干戈右手持俎豆斯須取一印後果

為樞密使相蘇軾洗兒詞犀錢玉果犀角黃錢色似

之故曰犀錢果白

生女鶚去

鶴來

翰府名談西子母洗帛于溪有

明珠射體威而孕又夢五色難自空飛下久而化為鶚

飛去遂生西施聞見錄歐陽公在昇陵遊姜嫄廟潛

生孫長枝

立竹

白居易詩采芣

自云雌鵲果得女甚端麗

春來盈女手梧桐老去長孫枝

注云言既老而有子孫亦如梧桐之老而有孫枝蘇軾詩如今未問老與少

兒孫森森

驚目

開顏

上見蘇軾賀子由生孫詩程口口文集祖評事生平未

嘗見笑惟長媳始生一孫老嫗報曰

雙生圍妾

器

良上晉梁嬴事見孕類 西京雜記霍將軍妻產二子
疑所為兄弟霍光聞之曰昔殷王祖甲一產二子曰

囂曰良以卯日生囂巳日生良則以囂為兄以良為弟
許釐莊公一產二女曰姝曰茂楚大夫唐勒一產二子

一男一女男曰貞夫女曰瓊華近代鄭昌時丈長倩一
生二男滕公一生二女李黎生一男一女並以生前為

長今霍氏亦宜 一產六人 四乳八子 山堂肆考老
以前生為兄焉 彭姓錢名鏗

顓頊元孫陸終氏之仲子陸終氏娶鬼方氏之女孕而
不育十一年開左右脅而出者六人其老彭封于韓大

彭之墟即彭城也至殷末世年已七百餘歲而不衰其
後子孫遂以封國為氏 論語周有八士蓋四乳而生

子八 武明皇后 黎陽民妻 北齊書武明皇后諱昭
君性寬厚不妒忌高祖率

衆將討西寇出師之夜后孿生一男一女左右以危急
請追告高祖后弗聽曰王出統大軍何得以我故輕離

大軍

後漢書黎陽民妻產三男

一女勅賜乳母穀帛以為休祥

背生有莘聖母

陽翟婦人

異苑昔繇納有莘氏修己背坼生禹 嵩高

背上出五歲便入此山學道

為母立祠號曰開母祠云 膺生摩耶誕佛 屈婦

生兒

山堂肆考摩耶夫人膺生釋迦佛 魏志黃初六

年三月魏郡太守孔羨表黎陽令程放書言汝南

屈雍妻王以去年十月廿二日在草生男兒從右腋出

其母自若無他異痛今瘡已愈母子安全無灾無害也

割左腋生 從背膺出 乃生時剖其左腋而出生

而白首故謂之老子

天中記丈夫民殷帝太戊使王

英採藥于西王母至此絕糧不能進乃食木實衣以木

皮終身無妻產子

胸生簡狄 山堂肆考商神女

原

遺腹丁卯日

泗水王

鄭玄別傳玄子孟恩為孔融吏舉孝廉融被圍往赴難被賊害

有遺腹子以丁卯日生元以丁卯歲生故名曰小同漢記泗水戴王前薨無嗣國除後宮有遺腹子煖內相史不奏言上聞而憐之立煖為泗水王內相史皆下獄

生子四

原不圻不副

詩不圻不副無災無害謂姜嫄生后稷也副音芳偈反

不殯不殯

禮胎生者不殯卯生者不殯注殯敗也殯裂也

配乃化生

易注天地相應乃得化淳男女匹配

乃得化生陰陽不對生可得乎

棄之不死

口口韓朗字伯奇生三日遭亂棄于荆棘數日兵解

母往視之有氣息乃收養及長舉為孝廉

神光照室

口口應嫗生四子見神光照室試探之乃

得黃金諸子官

學並有才名

增雀飛入手

異苑魏肇之初生有雀飛入其手占者以為有

封爵之祥

深媿無勛

世說晉元帝生子普賜羣臣殷

已而果然

曰此事豈可

渥水騏驎

潛確類書韓退之云李賀之

使卿有勛

渥水騏驎

生也如渥水騏驎風格當自

有神寫弄麀書

職林太常少卿姜度誕子李林甫手書

授五色珠

南唐近事樂史宜黃人夢異人授五色珠

宋復登

金桃

為瑞國山堂肆考宋陳堯佐母馮氏封燕

甲科

笑後再入宮再食之宮人怪問馮曰吾長兒生夢食金

桃口中狀頭今有此兆次兒必復作狀頭矣宮人遂以

金桃為瑞一

時競取之

樓有光景

青箱記王欽若生時隔岸

漢陽人望樓上若有光景

金甲丈夫

家傳范祖禹母夢一丈夫被金甲至寢曰吾故漢將鄧禹也祖禹是日生遂以名

生子五

增詩唐李賀詩曰頭玉硤硤眉刷翠骨重神寒天廟器
一雙瞳神剪秋水竹馬稍稍搖翠尾 白居易送崔侍

御生子詩曰洞房門上挂柔弧香水盆中浴鳳雛還似
初生三日魄嫦娥滿月即成珠 又曰豈料鬢成雪方

看掌弄珠 又曰掌珠一顆兒三歲鬢雪千莖父六旬

又曰玉牙珠顆小男兒羅薦蘭湯浴罷時 宋蘇軾

賀陳述古弟章生子詩曰鬱蔥佳氣夜充間始見徐卿
第二雛甚欲去為湯餅會惟愁錯寫弄麈書參軍新婦
賢相敵阿大中郎喜有餘我亦從來識英物試教啼看
定何如 又賀弟轍生子詩曰舊聞老蚌生明珠未省
老兔生於菟老兔自謂月中物不騎快馬騎蟾蜍蟾蜍
爬沙不肯行坐令青衫垂白鬚於菟駿猛不類渠指揮
黃熊駕黑貙丹沙紫麝不用塗眼光百步走妖狐妖狐
莫誇智有餘不勞搖牙咀爾徒葢子由卯生其子名虎

兒黃庭堅賀叔彞仲幼子晬日詩曰骨秀已知騏驎
子性仁端是鳳凰雖不騰渥水稱神駿應出岐山作瑞
符漸指家人知姓字試看屏上識之無乃翁斷獄多陰
德徑作高門待汝車朱喬年洗兒詩曰行年已合識
頭顱舊學屠龍意轉疎有子添丁助征戍肯令辛苦更
冠儒又曰舉子三朝壽一壺百年歡好笑掀鬚獸兵
已識天公意不忍回頭更指渠蘇軾賀轍生第四孫
詩曰今日散幽憂彈冠及新沐況聞萬里孫已報三日

浴朋來四男子大壯泰臨復開書喜見面未飲春生腹
無官一身輕有子萬事足舉家傳好夢殊相驚凡目爛
爛開眼電礲礲峙頭玉但令強筋骨可以耕衍沃不須
富文章端解耗紙竹君歸定何日我計久矣熟長留五
車書要使九子讀簞瓢有內樂軒冕無流矚人言迨似
我窮達已可卜早謀二頃田莫待八州督

增詞宋蘇軾洗兒詞曰犀錢玉果利市平分露四坐自
媿無功此事如何到得儂

增序唐王勃序曰非謝家之玉樹接孟氏之芳鄰

增啓宋李易安賀人孿生子啓曰無午未二時之分有

伯仲兩稽夏之秀既繫臂而繫足實難弟而難兄玉刻

雙璋錦挑對祿

注任文二子孿生德卿生于午道卿生于未張伯稽仲稽兄弟形狀無二白汲

兄弟母不能辨以五采繩一繫于臂一繫于足

遺孤一

增禮記曰父沒子幼則以繚抱之焉
口口口不逮事

父母謂少孤也
口口曰不能字人之孤
周禮曰孤

子死王事者之子 漢書曰從軍死事者之子孫養之
羽林號羽林孤兒 曾子曰可以託六尺之孤謂幼君

遺孤二

增禮記曰孔子少孤不知其墓 通鑑曰孫叔敖死無
立錐之地其子負薪于楚 後漢書曰吳祐年二十而
孤家貧牧豕於長垣澤中行吟經書其父之友謂曰子
二十石子而自業賤事縱子無恥奈先君何 吳志曰
凌統卒二子皆孫權收養宮中愛遇與諸子同賓客進

見呼之曰此吾虎子八歲令讀書十日一令乘馬及長
追錄統功封烈亭侯還其故兵

遺孤三

增存孤

求姪

通鑑趙朔為屠岸賈攻滅朔有遺腹子夫人置兒袴中得脫朔客公孫杵臼謬

以假孤代之諸將殺杵臼與孤程嬰匿真孤山中十五年因韓厥復立是為趙武宋史范文忠公鎮兄鑑卒

于隴城無子聞其有遺腹子在外公時未仕徒步求之兩蜀間二年乃得之曰吾兄異于人體有四乳驗之果

然遂名之曰百常

抱子於朝

逢友於道

左傳穆嬴日抱太子啼于朝出朝則

抱以適趙氏頓首于宣子曰先君奉此子也而屬諸子曰此子才吾受子之賜不才吾惟子之怨今君雖終言

猶在耳而棄之若何南史梁任昉子四人昉卒皆不能自存西華冬日著葛帔練裙生平舊交莫與相卹道逢劉孝標泣然驚曰我當為汝作計乃著廣絕交論以譏其舊交到溉見其論抵几于地終身恨之原

漢帝既臨張禹有託山公尚在嵇紹不孤前漢書安昌侯張禹

疾病車駕臨候禹數視其小子上即禹牀下拜為給事中晉書嵇康臨刑謂子曰山公在汝不孤矣

遺孤四

原馬謖無恨蜀志馬謖敗街亭下獄死臨終與亮書曰願深惟殛鯨興禹之義雖死無恨亮待其

遺孤若平生范汪少孤晉書汪少孤依于外氏王澄曰興范氏者必此兒

喪子一

增禮曰為長子稽顙重正體也 又曰長子服三年庶子不得為子服三年不繼祖與禰故也注明遵一統

喪子二

增禮曰子夏喪其子而喪其明曾子弔而怒之曰喪而子而喪其明爾罪三也子夏投其杖而拜之曰吾過矣 又曰延陵季子適齊其長子死葬于贏博之間既封且號者三曰骨肉復於土命也夫 列子曰東門吳子死不哭其相曰公之愛子天下無有今死而不哭何也

吳曰吾嘗無子無子時無憂今子死乃與向無子同吾何憂

喪子三

無子

立嗣

祈嗣並附

原投車

封篋

左傳楚靈王聞羣公子之死自投于車下世說王導還臺其子悅未嘗不送

又為母裝斂箱篋中物悅亡導還臺至嘗送處哭至臺其母封篋不忍開之

二子亡

金贖

音書王祥二子烈芳同時而亡將死烈欲還葬舊土芳欲留葬京邑祥流涕曰不忘故鄉仁也不戀

本土達也仁與達二子俱有史記陶朱公中子殺人于楚朱公遣少子齎金千斤贖罪長子請行到楚遺莊生莊生言王將赦長子以弟自當免遂不與莊生怒反言于王先殺朱公子而後赦長子持弟喪歸朱公曰吾

固知必殺汝弟汝見吾貧告
時重惜金所以卒殺汝弟

無七旬期 為三年服

潘岳西征賦天赤子于新安坎路側而瘞之亭有千秋
之號子無七旬之期雖勉勵于延吳實惜慟于子慈注

岳子以三月壬寅生五月甲
辰天六十餘日也下見前

增出篋囑書 弈棋興

歎通鑑郝超字嘉賓將亡出其所與桓溫密謀之書一
篋囑其門生曰若家君眠食大減即出此書後父見

之曰此子死已晚矣乃不復念世說豫章太守顧邵

雍之子也在郡卒雍時盛集賓客與客暴客散方歎曰

已無延陵之高天下痛心 亡兒感念世說王衍謂
豈有喪明之痛

陶侃曰賢子

越騎酷致天下為公痛心況慈父乎晉書庾亮兒蘇
峻之難遇害諸葛道明女為庾兒婦既寡將改適與亮

書及之亮答曰賢女尚少固
其宜也感念亡兒若在初歿

原珠碎於掌上 蘭摧

於庭中 無子伯道無兒

君卿養友

晉書皇天無知使伯道無兒伯

道鄧攸字也 瑣言樓護字君卿 故人呂公無子歸護護養之終身

辱在泥塗

擠於

溝壑

左傳晉悼夫人食輿人之城杞者絳縣人年長矣無子而往與于食趙孟召而語之曰以晉國之多

虞不能由吾子使吾子辱在泥塗久矣武之罪也 又曰楚靈王公子死曰人之愛其子也有如予乎侍者曰

甚焉小人老而無子知擠于溝壑矣

不慮繼嗣

何以勸善

後漢書祭遵為征南

將軍同產兄牛以遵無子娶妾送遵不受曰自以身任於國不敢慮繼嗣之計 左傳子文無後何以勸善

增立嗣恭承光祿

喬嗣武鄉

後漢書伏恭字叔高湛之兄子湛弟黯字

雄文位至光祿無子以恭為嗣 蜀志諸葛喬字伯松

理第三子本字仲慎亮未有子求喬為後墜啓吳王而

遣之以為嫡故改其字亮後
自有子喬子攀還復為瑾後

少承叔父 長復本生

南史宋謝弘微本名密年十歲中繼從叔父峻
皇甫謚字士安漢太尉嵩之曾孫出繼叔父徙居新安

謚年四十叔父有子
謚喪本生遂還其父 兄子承先 姪孫為後 唐書戴

以兄子為後杜正倫無子以兄子志靜為後 孫繼外

白居易墓志樂天無子以姪孫阿新為後

家甥承舅氏 晉書上詔以外孫韓謚奉賈充後曰外

唐書司空圖無子以甥為嗣 祈嗣郊禱出祀 尼阜

命名詩注姜嫄出祀郊禱履巨人跡有感是生后稷

生孔子頂象 求嗣龍門 祈男漳水 上劉豹事見孕

尼丘因名焉 類 下符堅母

事見
孕類

祈魔母堂

告張仙像

廣記觀察使皇甫政與
妻陸氏往魔母室祈男

請俸錢百萬結構堂宇後果生男
天聖中至玉局觀見一畫像云是張仙神無子者禱之
輒應洵尚無子因解玉環易之每露香
以告乃生戲轍皆成大儒洵自為像贊
盤授婦人

棋拈道士

彛堅志程揖年五十無子繪觀音像以祈子
其妻夢白衣婦人以盤擎一兒授之遂生兒

山堂肆考李泰伯母初無子祈禱無所不至祥符二
年夢二道士弈碁戶外往觀之其一人拈局之一子授

焉遂生

泰伯

喪子四

無子附

原情所鍾

晉書王衍字夷甫喪幼子山簡弔之衍悲不
自勝簡曰狹抱中物何至于此衍曰聖人忘

情最下不及情情之所鍾正
在我輩簡服其言更為之慟

退而歎

又曰魏舒字陽元子混先卒舒

每哀慟退而歎曰吾不及莊
生遠矣豈以無益自損乎

無子娶賈無子

左傳晉獻公娶

于賈而無子

天人之窮

口口老而無子天人之窮

子雲無子

口口揚子雲自

童烏喪後

仲宣無後

魏志王粲死後二子犯法誅時太祖在漢中聞粲子死歎曰孤

若在彼不使仲宣無後也

喪子五

原詩晉潘岳思子詩曰造化甄品物天命代虛盈奈何

念稚子懷奇隕幼齡追想存髣髴感悼傷中情一往何

時還千載不復生

原賦魏曹植慰子賦曰彼凡人之相親小離別而懷戀
況中殤之愛子乃千秋而不見入空室而獨倚對牀帷
而切歎痛人亡而物在心何忍而復觀日晚晚而既沒
月代照而舒光仰列星以至晨衣霑露而含霜惟逝者
之日遠愴傷心而絕腸 周庾信傷心賦曰予五福無
徵三靈用譴至於繼體多從夭折二男一女並得勝衣
金陵喪亂相繼淪沒苗而不秀頻有所悲唯覺傷心遂

以傷心為賦悲哉秋氣搖落變衰魂兮遠矣何去何依

望思無望歸來不歸未達東門之意空懼西河之譏在
昔金陵天下喪亂王室板蕩生人塗炭兄弟則五郡分
張父子則三州離散地鼎沸於袁曹人豺狼於楚漢或
有擁樹罹災藏衣遭難未設桑弧先空柘館人惟一邱
亭遂千秋邊韶永恨孫楚長愁張壯武之心疾羊南城
之淚流痛斯繼體尋茲世載天道斯慈人倫此愛膝下
龍摧掌中珠碎芝在室而先枯蘭生庭而早刈況乃流

寓秦川飄飄播遷從宦非宦歸田不田對玉關而羈旅
坐長河而暮年已觸目於萬恨更傷心於九泉

原哀辭晉潘岳傷弱子辭曰予之長安次于新安千秋
亭而弱子夭感羸博之哀乃傷之曰奈何兮弱子邈棄
爾兮邱林還眺兮墳瘞草莽莽兮木森森伊邃古之遐
胄逮祖考之永延咨吾家之不嗣羌一適之未甄仰崇
堂之遺構若無津而涉川葉落永離覆水不收赤子何
辜罪我之由 梁簡文帝大同哀辭曰大同余第十子

也生於仲秋殞於冬末悲夫夕坐於是申旦常以食之
不甘容謂余曰死生常也夭壽命也陳蕃所憇之家久
記元錄之歲華歆所聞之語已定北陵之期上聖所以
忘情賢者所以達節將何戚焉余對之曰觀其明眸豐
下玉色和聲豈不登髻歲而擬觸藩及紈袴而抑折李
靈心摧於毫末慧識挫於跬步豈不傷哉乃為辭曰彼
神蔡之靈長獲萬春之悠緬有薜華之灼灼寄一朝之
浮淺信歡慰之未幾悼天齡之云及乃變樂而為悲遂

改笑而成泣

御定淵鑒類函卷二百四十四

欽定四庫全書

御定淵鑒類函卷二百四十五

人部四

祖孫宗族

叔姪

祖孫一

增釋名曰祖祚也祚先也 又曰王父王音旺也家中

所歸往也曾祖從下推上祖位轉增益也高祖高皐也

最在上皐皐諸下也 又曰孫遜也遜遁在後生也曾

孫義如曾祖也元孫懸也上懸于高祖竄在下也元孫

之子曰來孫此在無服之外其義疎遠呼之乃來也來

孫之子曰舅

音禪

孫舅貫也恩情轉遠以禮貫連之耳舅

孫之子曰仍孫以禮仍有之耳恩意實遠也仍孫之子

曰雲孫言去已遠如浮雲也爾雅曰父之考為王父

父之母為王母惠紀曰内外公孫耳孫應劭曰耳孫

元孫之子也言去高曾益遠但耳聞之也晉灼曰耳孫

元孫之曾孫也諸侯王表在八世師古曰耳孫即仍孫

二音相近蓋一號也詩曰宜爾子孫繩繩兮又曰

振振公姓 又曰文王孫子本文百世 又曰續我祖

考 又曰繩其祖武 書曰垂裕後昆 又曰續乃舊

服以服行事 國語曰紹續昆裔 禮曰抱孫不抱子

此言孫可以為王父尸也 又曰上治祖禰尊尊也下

治子孫親親也 又曰自仁率親等而上之至于祖名

曰輕自義率祖順而下之至于禰名曰重一輕一重其

義然也注自用也率循也用恩則父母重祖輕用義則

祖重父母輕 又曰逮事父母則諱王父母謂祖父母

也 又曰銘者稱揚先祖之美也此孝子孝孫之心
列子曰子孫非汝有乃天地之委蛻也 揚雄方言曰
鼻祖始祖也獸之初生謂之鼻人之初生謂之首梁益
謂鼻為祖或謂之鼻祖

祖孫二

增孔叢子曰孔子間居喟然而歎子思請曰意子孫不
修將忝祖乎羨堯舜之道恨不及乎夫子曰爾孺子何
知子思曰伋聞其父析薪其子不克負荷是謂不肖伋

所以大恐而不敢懈夫子曰然乎吾無憂矣世不廢業

其克昌乎 應劭曰晉大夫樂書書子黷黷子盈書賢

而覆黷黷惡而害盈書大家曰天命祐善災惡非有差
也然其道廣大雖父子百葉猶若一體也 顏氏家訓

曰侯霸之子孫稱其祖父曰家公潘尼稱其祖曰家祖

班固書集亦云家孫 晉書曰何曾侍武帝宴退告其

子遵曰國家應天受命創業垂統每侍宴未嘗聞經國

遠圖非貽厥孫謀之道指孫曰此輩必遭喪亡及遵之

子綏死兄嵩哭之曰吾祖其殆聖乎

祖孫三 祖母附

原貽謀

弘業

詩貽厥孫謀以燕翼子
傳序云弘宣祖業

忝祖

名孫

尚書君牙篇無忝祖考忝辱也
凡父在孫見於祖祖名之謂生子見於祖以名之

續乃服

興吾門

上見前
寔謂宗人

魏書陳羣為兒時祖
此兒必興吾宗

增假託段熲

得生靈運

魏略賈詡字文和道遇氏羌同行數十人
皆為所執詡曰我段公外孫也汝別理我

我家必厚贖之段熲昔為邊將威震西土故詡假而懼
于氏羌氏羌果不敢害也世說謝元子煥不慧早卒

煥子靈運才藻艷逸元曰
我尚生煥煥那得生靈運

清白楊家

寶田杜氏

後漢

書東漢楊震性廉潔子孫嘗蔬食步行或欲令開產業震曰使後世稱為清白吏子孫以此遺之不亦厚乎

宋四川普游人杜孟游太學因童貫蔡京用事幡然而歸嘗訓子孫曰忠孝吾家之寶經史吾家之田時號為

寶田
杜氏
文示戒奢
詩規保世
唐書柳玭字直清有父

孫宋陳亞蓄書數千卷名畫數千幅晚年退居有華亭唳鶴一隻怪石一株異花數千本為詩以戒子孫曰

滿室圖書雜典墳華亭仙客岱雲根
他年若不和花賣便是吾家好子孫
禮典必先
文

藝為後
周書大將軍寇雋年齒雖邁而志識未衰教訓子孫必先禮典
宋史劉摯字莘老教子孫先

行實後文藝每曰
李公披簿
丁顓置書
後周書李士當以器識為先

彥嘗為真州刺史媵妾有百數男女六十九人緣漢十餘里第宅相次姬妾之有子者分處其中遷哲鳴笳導

從往來其中縱酒歡讌子孫參見或忘其年名披簿以
審之山堂肆考丁度字公雅祖顏盡其家貲以置書

至八千卷且曰吾聚書多矣必有好學者
為吾子孫度力學有守登服勤詞學科從傳歷數

不置莊田

漢書路溫舒從祖父傳天文歷數王氏
彙苑陳元用家極富性善聚書而不置業

或問之公曰有好子孫不用置田必能自置也無好子
孫雖廣置莊田必不能守也後三孫野周佐樊並以文

章致大名而隱居清貧王父王母公望公才
自守曰無忘先人之訓前上見

南史王儉作宰相賓客盈門見其孫暕年
數歲而風神聳拔曰公才公望復在此乎不辨羣孫

幸登壽考

唐書郭子儀諸孫數十人每羣孫問安不
盡解頰之而已頰點頰以應也周蕭愿

梁宰相頰之子曾祖倣唐僖宗朝入相接客之次愿為
兒童戲效呼之聲倣語諸客曰余不敢以得位為喜

所章者壽考今又

有曾孫在吾目前

鐸白問孫

載車侍祖

南史爵林

高帝前帝鐸白髮問孫曰我誰邪曰太翁

世說陳太

邱詣荀朗陵使元方將車李方持杖長丈尚小載著車

中既至荀使叔慈應門慈明行酒

自當為將

必大

吾宗

魏志賈逵自為兒戲弄常設部位祖父習異之曰汝大必為將唐書王峻少孤好學祖有方奇之

曰是子必

皆大父行

有佳兒稱

史記鄭當時字莊

友皆大父行天下知名之

繼相太戊

能嗣召公

通鑑

伊尹相湯伊陟相太戊

詩召康公爽十六世孫召穆公虎佐宣王平淮彝故江漢之詩曰無曰予小子召公

似皆作宰相

稱為銳將

唐書李栖筠之子吉甫其

馬璘讀馬援傳至丈夫當死邊野以馬草裹尸慨然曰使吾祖勲業墜地下乎後屢立戰功稱為中興銳將封

扶風

皆有文學

世作侍中

漢書董仲舒子及孫皆以文學至大官

晉書

郡王

吳郡陸仲元者晉太尉玩曾孫自玩至仲元四世為侍中時人方之金張二族

金篋療目

磐石興悲

北史張元字孝始年十六其祖喪明元恒憂泣後讀藥師經見亡目者得視之言遂請七

僧燃七燈七日

七夜願祖目見明經七日其夜夢一老

翁以金篋療其祖目

夢中喜躍遍告家人三日祖目果

明唐書薛元超

高宗時為中書舍人省中有一磐石

初祖道衡為內史

侍郎常據而草制元超每見此石未

嘗不泣

魏謩獻笏

原穀收輿

唐書唐文宗嘗詔問魏徵五世孫謩卿家

然流涕

書詔頗有存否謩對曰惟有故笏在詔令獻上鄭覃曰在人不在笏帝曰覃不識朕意此笏乃今之甘棠孝

子傳穀有祖年老父母厭憎欲棄之穀年十五諫不聽
作與昇祖棄之于野穀隨收與歸父曰汝何收此凶具
穀曰他日父母老不能更作此具
是以收之父感動乃載歸奉養
代為大冊 更闡

遺書

世說唐許敬宗孫彥伯昂子也彥伯頗有文學敬
宗晚年不復下筆凡大典冊悉彥伯為之嘗戲昂

曰吾兒不及若兒昂荅曰渠父不及昂父 山堂肆考

姚珽曾祖察嘗著漢書訓纂而後之註漢書者多竊取

其義以為己說珽乃

著紹訓以發明其義

無忝爾祖 能世其家

梁書沈

興約之孫好學能文武帝令作竹賦賦成奏之手勅荅

曰卿文體翩翩可謂無忝爾祖矣 宋史李柬之宰相

迪子明曉典故賜進士第屢官龍圖閣直學士以太子

太保致仕出都門即幅巾白衣見客子孝基始登第唱

名仁宗顧侍臣曰此李迪孫邪能世其家可尚也

累遷光祿卿年方五十與父同謝事時以此二疏 家

藏賜詔

官重祖勲

唐書李靖五代孫彥芳太和中為鳳翔司錄參軍家藏高祖太宗賜

靖詔書數函上之

又曰衛次公為兵部侍郎故英公

李勣大理卿徐有功之孫皆以貧不得調次公召見曰

君之祖勲在王府寧限

常格即優補而遣之

扣石移山

登樓賜絹

北山子

愚公年且九十面山而居懲山北之寒出入之迂也遂

率子孫荷擔具畚扣石壑壞運于海北之尾河曲智叟

笑而止之愚公長太息曰我之死有子在焉子又生孫

孫又生子子子孫孫無窮匱也而山不加增何苦不平

河曲智叟無以應之南史到溉子鏡早卒孫蓋早聰

慧位尚書殿中郎嘗隨梁武帝幸京口登北固樓賦詩

蓋受詔便就上以示溉曰蓋定是才子子翻恐卿從來文

章假手于蓋因賜絹二十匹後溉每和御詩上輒手詔

戲溉曰得無

祖母含飴弄孫入朝見帝

後漢書馬太后曰吾

貽厥之力乎

但當舍飴弄孫 唐書王承元入
朝祖母入見帝命中官禮齊異等
命名百藥 絕孫

五木 唐書李百藥為童兒嘗苦疾祖母趙氏故以百藥
名之 王氏彙苑江甌年十一好博痛祖母為孫

破業廢事遂絕五 李密陳情 虞詡辭吏 徵為太子
木終身不以為戲

洗馬以祖母劉氏年老無人侍養乃上表陳情辭官
後漢書虞詡早孤孝養祖母縣舉順孫國相奇之欲以

為吏詡辭曰祖母九十 心繫遠方 孝通幽顯 齊書
非詡不養國相乃止

卿早孤為祖母所養祖母病元卿在遠方輒心痛大病
則大痛小病則小痛以此為常鄉里號宗曾子 唐書

劉審理少喪母為祖母元所養隋末大亂道不通審理
尚少自鄉里負祖母渡江避地及天下平西入長安元

每有疾必親煮藥嘗而後進元曰 大澤哭芹 西籬
兒孝通幽顯吾一顧念疾輒問

掘粟

晉書劉殷祖母盛冬思芹而不言殷時九歲知之乃于大澤中痛哭忽有芹生于地得數斛歸獻

又曰

劉殷嘗夢人謂西籬下有粟掘之得十五鍾以奉養鄉人異之

孝能代父

誠可

格天

孔帖殷寅子亮事祖母如寅在明語林徐應魁有至性祖母盧氏歿負土成墳至冬雪深數尺門

徑盡沒水火絕六日忽地響廬中醴泉出

祖孫四

原舍孫

禮記公儀仲子之喪仲子舍其嫡孫而立其庶子檀弓免焉子服伯子曰昔者文王舍伯邑考

而立武王微子舍其孫臚而立衍仲子亦猶行古之道也孔子曰否立孫注周禮立嫡孫

必復其

始

左傳畢萬筮仕曰公侯之子孫必復其始

不留財產

列子衛端木叔子貢子也籍先資累

千金年六十棄家散庫一年盡不為子孫留財產散之一國及病無藥石之儲死無瘞埋之所受施者相與反

子孫之財也

年少名孫

史記文信侯呂不韋言于始皇曰昔甘茂之孫甘羅一年少耳然名

家之子孫諸侯皆聞之

不立產業

通鑑疏廣歸鄉里以所賜金日與鄉里樂飲子孫因鄉里

長者勸及身在時為子孫立產業廣曰此金聖主所賜以惠養老臣故樂與鄉黨共之

遂字升

卿後漢書虞詡祖父為縣獄吏多所平允曰于公高為里門子孫竟至三公吾雖不及于公其庶幾乎遂字

詡曰卿

見像恭敬

魏志曹休字文烈祖嘗為吳郡太守休後至吳於太守舍見壁上祖父畫

像恭敬不急乃下榻涕泣同坐嘉之

分甘以娛

晉王羲之與謝萬書詳祖孫五

執硯

涕泣

晉書范喬字伯孫年二歲時祖馨撫喬首曰所恨不見汝成人以所用硯與之五歲祖母告喬喬執

硯涕

不改賜官

晉書鄧攸祖殷有賜官敕攸受之後太守勸去王官舉為孝廉攸曰先人

泣

所賜不改也

增異人之望

衛玠別傳衛玠在羣伍之中有異人之望方五歲時祖太保見

之喜曰此兒神爽聰慧與眾

醉呼小子

晉書王爽字季明強正有

大異恐吾年老不及見耳

志歷侍中嘗與會稽王道子飲道子醉呼為小子爽曰亡祖長史與簡文帝為布衣之交亡姑亡姊伉儷二宮

何小子

名以龍孫

北史後魏王慧龍幼聰慧其祖愉以為諸孫之龍故以名之

之有

風骨之美

山堂肆考王鑑七歲不能言其祖喜其風骨之美遇物誨之一日攜至池上祖曰水馬池

中走即對曰游魚

半千之裔

唐書李泌傳開元中泌召能言佛老孔子者相

波上浮後至臺閣

答難禁中有員倣者九歲升座詞辨如注

射坐人皆屈帝異之曰半千孫固當然

豈可不謹

又曰狄魚謨遷御史中丞帝曰
卿梁公後當嗣家聲豈可不謹

元和舊事

又曰宣宗追感元和

舊事但聞是憲宗朝卿相子孫必擢用之杜勝以刑部
員外郎閣內次對上詢其祖父勝以其先黃裳永貞之

時排斥奸邪請憲宗監

高山深林瑤環瑜珥

韓文北平王馬

國上德之授給事中

燧如高山深林龍虎變化不測蓋魁傑人也其孫

繼祖娟好靜秀瑤環瑜珥蘭茁其芽稱其家兒

驛

送還鄉

明語林程通祖平謫戍延安通上書言臣壯而
無父祖猶父也臣祖老而無子孫猶子也今邊

徼戍卒如林豈少臣祖者詞極哀
楚太祖憐之命除其籍驛送還鄉

祖孫五

原詩宋謝靈運述祖德詩曰達人貴自我高情屬天雲

兼抱濟物性而不櫻垢氛段生蕃魏國展季救魯人弦
高犒晉師仲連却秦軍臨組乍不縶對珪寧肯分惠物
辭所賞勵志故絕人苔苔歷千載遙遙播清塵清塵竟
誰嗣明哲垂經綸委講輟道論改服康世屯屯難既云
康尊主隆斯民又曰中原昔喪亂喪亂豈解已崩騰
永嘉末逼迫太元始河外無反正江介有蹠圯萬邦咸
震懾橫流賴君子拯溺由道情龕暴資神理秦趙欣來
蘇燕魏遲文軌賢相謝世運遠圖因事止高揖九州外

拂衣五湖裏隨山疏濬潭傍巖藝枌梓遺情捨塵物貞
觀丘壑美

增制蘇軾司馬光曾祖政贈太子太保制曰臯陶邁種
德種之遠故其發也難發之難故其報也大今某官某
故曾祖某官某篤行有聞信於鄉國懷道不試遺其子
孫天下無欺再世而顯至於曾孫其德日躋袞衣繡裳
進位於朝退有事於家廟其致朕命詔於有神尚食其
報以康乃後 又曾祖母薛氏溫國太夫人制曰自通

籍之臣皆有以寵綏其父母而自祖而上非予丞弼之家莫獲褒顯君子之孝至於尊祖以及其妣用邦君之禮以隆其家可謂至矣某官某曾祖母某氏專靜有守柔嘉維則經之以孝慈緯之以恭儉使垂白之訓不墜於子孫而隱德之報可質於天地我有異數詔於幽窅翟弗副筭尚服享之又祖炫太子太傅制曰朕有元臣以德媚於上下民見其羽旄聞其車馬之音則稽首而聚觀之況其父祖墳墓所在望其草木蓋有流涕而

拜者錫命之寵豈特以慰其家而已哉某官某故祖某
官某篤學力行追配前人無疆之慶在其子孫風流未
遠英烈如存歆予寵章以慰民望 又祖母皇甫氏溫

國太夫人制曰夫天人之際若不可知而善惡之報各
以其類凡今富貴壽考光顯於世朕察其父母大父母
未有不仁而得之者也某官某故祖母某氏令德孝恭
著於閨門好禮慈儉刑於姻族始生賢子以大其家而
餘澤方茂福祿未究再世之後莫之與京愍冊追榮國

有常典庶幾幽壤服我寵靈

增書王羲之與謝萬書曰頃東游還修植桑果今盛敷榮牽諸子抱弱孫遊觀其間有一味之甘剖而分之以娛目前雖植德無殊邈猶欲教養子孫以敦厚退讓戒以輕薄庶令舉策數馬彷彿萬石家風

增表李密陳情表曰臣無祖母無以至今日祖母無臣無以終餘年母孫二人更相為命臣密今年四十有四祖母劉今年九十有六是臣盡節於陛下之日長而報

劉之日短也烏烏私情願得終養

叔姪一

增釋名曰伯把也把持家政也父弟為仲仲中也位在
中也仲父之弟曰叔叔少也叔父之弟曰季季癸也甲
乙之次癸在下也 疏曰繼世以嫡長先生於父則繼
世者也故曰世父 爾雅曰父之兄弟先生為世父後
生為叔父注曰世有為嫡者嗣世統故也 又曰父之
兄妻為世母父之弟妻為叔母 說文曰伯長也 又

曰叔作未從上小言尊行之小也 又曰兄弟之子皆
曰姪 詩曰叔兮伯兮靡所與同 又曰我有肥羜以
速諸父 又曰諸父兄弟備言燕私 禮曰兄弟之子
猶子也蓋引而進之 又曰伯叔之喪踴不絕地如此
者由文矣哉義服恩輕也 漢雋曰養弟之子以為子
也 朱熹語錄曰今人以姪為猶子亦可以先生為猶
父矣漢人謂之從子却得其正蓋叔伯皆從父也

叔姪二

增詩曰王曰叔父建爾元子俾侯于魯大啟爾宇為周
室輔 史記袁盎傳曰袁盎字絲名重朝廷宦者趙談

數幸常害盎盎患之盎兄子種說盎曰君庭辱之使其
毀不用徙吳相辭行種謂盎曰吳王驕日久國多姦今
苟欲効治彼不上書告君則利劍刺君矣南方卑濕君
能日飲無何時說王曰勿反而已如此幸得脫盎用其
計吳王厚遇盎 曹瞞傳曰曹操字阿瞞少飛鷹走狗
遊蕩無度其叔父數言於嵩操患之後逢叔父於路乃

敗面喁口叔父怪問其故對曰卒中惡風叔以告嵩驚愕呼操操口貌如故嵩曰叔父言汝中風已差乎操曰初不中風但失愛於叔父故見罔耳嵩乃疑焉後叔父有所告嵩不復信操於是益得肆志矣 魏書曰荀攸字公達七八歲叔父衢曾醉誤傷攸耳而攸出入遊戲常避護不欲令衢見衢後聞之乃驚其夙智如此 三十國春秋曰劉鎮之殺季父也謂殺等曰汝輩才力勢運足以得志當身事耳我不就汝求位求財又不受汝

罪累每見毅等道從吏卒到門輒罵詬之毅甚敬畏每至宅數百步止與白衣數人而進及毅敗天下服其先見而劉裕敬遇之南史曰謝澹字景恒從子晦為荊州將之鎮詣澹別晦色自矜澹問晦年答曰三十五澹笑曰荀中郎年二十九為北府都督卿比之已為老矣晦色甚愧又曰宋謝瞻幼孤叔母撫育同於親生

又曰劉宋黃門侍郎謝弘微從叔混尚晉晉陵公主混死詔絕婚公主悉以家事委弘微混有二女年數歲弘

徵為之經理生業一錢尺帛皆有文簿九年而晉亡公
主降號東鄉君聽還謝氏入門室宇倉庫不異平日田
疇墾闢有加於舊東鄉君歎曰僕射生平重此子可謂
知人僕射為不亡矣東鄉君卒公私咸謂貨財宜歸二
女田宅僮役應屬弘徵弘徵一無所取自以私祿塋東
鄉君 元史曰張閏八世不異爨家人百餘口無間言
無私藏閏兄藏卒即以家事付姪聚聚辭曰叔父行也
叔宜主之閏曰姪宗子也姪宜主之相讓既久卒以付

聚縉紳之家自謂不如

叔姪三伯叔母從伯叔並附

原談易

焚囊

世說晉王湛字叔重兄弟宗族皆以為癡兄子濟因共談易剖析精妙大奇之

初武帝見濟輒曰卿家癡叔死未濟無以荅復問濟曰臣叔不癡山濤以下魏舒以上由是顯名晉書謝元

嘗佩紫羅香囊叔安惡之而不欲傷其意因戲賭得焚之

竹林

玉樹晉書阮咸

宇仲容任

初武帝見濟輒曰卿家癡叔死未濟無以荅復問濟曰臣叔不癡山濤以下魏舒以上由是顯名晉書謝元

嘗佩紫羅香囊叔安惡之而不欲傷其意因戲賭得焚之

竹林

玉樹

晉書阮咸
字仲容任

達不拘與叔籍為竹林之遊諸阮居道北籍咸居道南
北阮富而南阮貧世說謝太傅問諸子姪曰子弟何

達不拘與叔籍為竹林之遊諸阮居道北籍咸居道南
北阮富而南阮貧世說謝太傅問諸子姪曰子弟何

預人事而欲使其佳車騎答曰譬如芝蘭玉樹欲使其生於階庭耳

拔柴

推宅

松袁
後山

漢書范丹為萊蕪長去官於市賣卜妻紡績以自給丹
弟子愷見丹藩不完載柴將客藩之丹適行還怒勅子

漢書范丹為萊蕪長去官於市賣卜妻紡績以自給丹弟子愷見丹藩不完載柴將客藩之丹適行還怒勅子

拔柴載以還之 後漢書范遷字子虛沛國人也為司徒有宅數畝田不過一頃復推與兄子其妻謂曰君有四子而無立錐之地可餘俸祿以遺後世遷曰吾備官大位而蓄財立利何以示後在位四年薨家無擔石馬

無裏言

常內集

左傳寡人之出叔父無裏言世說晉謝安常內集俄而雪下安曰

白雪紛紛何所似兄子朗曰撒鹽空中差可擬兄女道韞曰未若柳絮因風起

棄我兒

活

弟子

晉書鄧攸字伯道永嘉亂走擔其兒及其弟子綏度不能兩全乃謂妻曰吾弟早亡惟有一息理不

可絕應自棄我兒妻泣從之又曰武康有兄弟二人妻各有孕弟素行未返遇歲荒不能兩全棄其子而活

弟之子吳興太守

孔巖遂褒薦之

馬援垂誠

王基分封

後漢書馬

子嚴書

魏志王基封安樂鄉侯上疏求分封二

舍

百戶賜叔父子喬爵關內侯以報叔父詔特聽之

飯兩頬 省病十起

世說郝鑒遇永嘉亂窮餒鄉人共食之常攜兄子外甥就食鄉人辭

不能兼濟乃獨往輒舍飯于兩頬歸吐與二子後漢書第五倫字伯魚或問倫有私乎曰余兄子嘗病一夜

十起退而安寢余子有病雖不省視而通夕不寢若是可謂無私乎 增代為請罪 戒

以顧名 後漢書許荆武之孫兄子世嘗報仇殺人怨家操兵攻之會荆始從府休歸與相遇乃解劍長

跪曰世無狀相犯咎在荆不能訓導兄惟一子願殺身代之怨家扶起荆曰許掾郡中稱賢何敢相侵遂委去

荆後舉孝廉魏志王祖名其姪曰默 知其富貴

諭以謙恭 沈約宋書宗炳問兄子慤所志慤荅曰願乘長風破萬里巨浪炳曰汝不富貴必破我門

戶司馬光與姪書見叔姪五 命處竹林 速歸葱肆 北史楊惛幼時庭有柰樹

羣兒爭之惜不動季父暉大嗟異謂客曰此兒恬裕有我家風宅內有茂竹遂于林邊別葺一室命獨處其中嘗以銅盤具盛饌以飯之因督勵諸子曰汝輩但如遵彥謹慎自得竹林別室銅盤重肉之食南史呂僧珍字元瑜孩童時相者曰此兒子奇聲封侯相也出身甚微以販蔥為業逮貴兄子求官于僧珍僧珍告曰汝等自有常分但當速歸

過而寒溫

知其憂悴

世說王汝南既

除所生服遂停墓所兄子濟每來拜墓略不過叔叔亦不候脫時過止寒溫而已韻府隋楊約坐事免官姪元感與約恩義甚篤場帝謂曰公此憂悴得非為叔乎元感再拜曰誠如聖旨帝徵約入朝

中分

財產

對掌誥命

後漢書薛苞有至行其弟子求出分已不能止乃中分其財產奴婢引其

老病者田廬取其荒頓者器物取其朽者

下見中書舍人類

貧惟自乳

愛過所

生唐書元德秀兄子襁褓喪親家貧無資得乳母乃自乳之數日湮流至子能食方止世說晉桓元車騎

將軍沖之姪也車騎與故文武別因指語元曰此汝家故佐史元應聲痛哭車騎每自目已坐曰靈寶成人當

以此坐還之鞠愛過于所生便當辭職先奏推恩南史王僧虔

為武陵太守

攜子姪到部兄子儉中途得病僧虔為廢寢食人或慰

之僧虔曰亡兄之裔不宜忽諸若此兒不救便當辭職

山堂肆考宋陳瓘兄弟友愛伯氏早世公撫恤其孤

初奏郊恩捨己子而先伯氏之子及後貶謫以至終身

諸子皆白衣未授前鋒任得伯父稱通鑑謝安兄

嘗有不滿之意

才略時苻堅數侵寇安乃舉元為前鋒戰于淝水苻堅

棄甲宵遁聞風聲鶴唳以為王師至南史王曇首與

兄弟會集諸子姪任其戲適僧

虔採蠟為鳳凰伯父獨稱其美

器宇深宏儀容偉

茂何法盛晉中興書何充字次道年在童齠伯父邃謂之曰我小兒時亡伯車騎謂我汝後當與伯父爭名

汝今器宇深宏亦當出我之右三十國春秋燕金紫光祿大夫高平公平歆初歆伯父光祿大夫熙拊歆首

而告之曰汝儀容偉茂志節果毅當有佐命之功顯吾門者必汝也撫育五人徵辟

三府陳留耆舊傳高督字孝甫敦厚少文華有深沉之量撫育兄孤子五人恩誼甚篤琅邪相何英嘉其

行履以女妻焉劉彥明燉煌錄汜固字孔完大將軍掾純之孫也推家財百萬與寡弟婦二百萬與孤兄子

于是三府競辟皆不就避世蒼梧營樓別墅楚國先賢傳陰嵩字文玉南陽

新野人衛尉興從祖兄也少喪父母與叔父居恭謙婉順溫良節儉王莽末義兵初起乃與叔父避世蒼梧後

徵拜謁者以叔父愛棄官歸晉書謝安于東山營墅樓館竹林甚盛每攜中外子姪往來遊集餉饌亦屢賞

百金世頗以此譏焉安殊不以屑意

居貧磨鏡得返還刀

先賢傳故

守程堅體履仁孝秉志潔清少讓財兄子仕郡縣居貧無資磨鏡自給

晉書慕容超字祖明德之兄北海王

納之子也符堅破鄴以納為廣武太守數歲去官家於張掖德之南征留金刀而去垂起兵山東符昌收德諸

子皆殺之納母公孫氏以耄獲免納妻段氏方娠囚之于郡獄掾呼延評德故吏也將公孫及段氏逃于羌中

而生超焉年十歲而公孫卒臨終授超以金刀曰若天下太平汝得東歸可以此刀還汝叔也俱耽

老易盡讓家財

晉書殷浩與叔父融俱好老易融與浩口談論詞屈著篇則融勝浩由是

為風流談論者所宗宋書劉凝之字志安推家財與弟及兄子立屋于野外非其力不食

布衣

蔬食

反居併門

魏志毛玠居顯位常布衣蔬食撫育兄孤子甚篤典略鄭均任城人好

黃老兄亡後養嫂兄子恩禮甚篤反居併門盡推財與之由是名著

請封兄子獨薦

姪才

唐書魏徵以定五禮當封一子縣男徵請封孤兄子叔慈帝愴然曰此可以勸俗矣即許之聞見

錄呂文穆蒙正致政居洛真宗祀汾陰過洛幸其宅問曰卿諸子孰可用公曰臣諸子皆豚犬不足用有姪夷簡任潁州推官宰相才也帝與租襲爵入坐賦詩記其言遂至大用文靖公也

漢書桓榮卒子郁當襲爵讓于兄子顯宗不許不得已受封而悉以租入與之張臨文學錄桓麟字元鳳精察好學年十三四在伯父馬坐有宿年客馬告之曰吾此弟子頗有異才殊能作詩賦君試為口賦詩與之客乃為詩曰甘羅十二楊烏九齡昔有二子今則桓生參差等蹤異世齊名麟即答曰邈矣甘羅超等絕倫卓彼楊烏命世稱賢嗟乎蠢弱殊才伴年仰慙二子俯愧前言

讚招隱寺獻泛湖圖

因話錄李約初至金陵于叔李錡坐屢讚招隱寺標致
一日錡宴寺中謂約曰十郎傳誇招隱寺昨遊宴何殊
州中約笑曰約所賞者疎野耳若遠山將翠幕遮古松
用綵物裏腥羶宛鹿跑泉音樂亂山鳥聲實不如在叔
父大廳錡笑倦遊錄陳恭公判亳州遇生日親戚多
獻老人星圖姪世修獨獻范蠡游五湖圖且贊曰賢哉
陶朱霸越平吳名遂身退扁舟伯叔母勸學授經

晉書晉任氏皇甫謐之叔母也謐年二十不好學任氏
曰汝今年踰二十目不存教心不入道因歎曰孟母三
徙以成仁曾父烹豕以存教豈我居不卜隣教有所闕
乎因對之流涕謐乃感激就學遂博綜典籍百家之言
號元宴先生下唐憲英反被嚴母移書晉書羊

薛播事見賢母類

憲英反被

嚴母移書

晉書羊耽妻憲

英姓辛氏隴西人鍾會為鎮西將軍憲英曰會所在縱
恣非持久處下之道吾畏其他志會果反祐嘗送錦被

憲英嫌其華反而覆之晉書杜有道妻嚴氏字憲京
貳人貞淑有識量生子植植從兄預為秦州刺史被誣
徵還憲與預書戒之曰諺曰忍辱至三公今可
謂辱矣能忍之公是卿座預果後為儀同三司

從伯

叔共賞文義

幼著名稱

南史宋謝混與族子靈運瞻

衣巷故人謂烏衣之遊

崔鴻前涼錄范績字弘基幼

有名稱族伯上洛太守毘撫其首曰汝吾宗千里駒也

歷事三朝諸士友服其清亮

舉秀才為郎中遷中都謁者

稱以麒麟

言於驃騎

本傳晉顧和字君孝總角便有清操族叔榮雅重之曰

此吾家麒麟興吾宗者必此子也吳志朱異字季文

為陽武將軍孫權與論攻戰辭對稱意權謂異從

父驃騎將軍據曰素知季文惟今見之復過所聞

使

守水碓

得聚藏書

晉書魏舒字陽元任城人姿望秀
偉飲酒石餘而達鈍質朴不為鄉

親所重從叔父吏部衡有名當世亦不取之使守水碓
每嘆曰舒堪數百戶長願畢矣舒亦不介意後遷至司
徒博物志蔡邕有書迨萬卷末年載數車與王桀桀
亡後其子被誅邕所與桀書悉入桀從子景字長緒家

莫輕彭祖

欲用叔彪

晉書王渾從子浚字彭祖司
空王沉賤嬖子也少時不為

親黨所知渾謂弟深等曰卿等莫輕彭祖此兒平世不
減方州牧伯亂世可為都督三公懷愍之世果為幽冀
都督位至鼎鉉如渾所言 晉書王彪之字叔武從伯
藻曰選曹欲以汝為尚書郎汝幸可作諸王佐耶彪曰
位之多少既不足計自當任
之于時至于超遷是所不願

歎為清拔

賞其異同

宋書王誕字茂世琅邪臨沂人也少有才藻晉孝武崩
從叔尚書令珣為哀冊文久而未就謂誕曰猶少叙節
物一句因出本示誕誕覽畢便益之接其冬秋代變後
云霜繁廣除風迴高殿珣嗟歎清拔因而用之拜祕書

郎南史劉宋黃門侍郎謝弘微從叔混特重之常曰微子異不傷物同不害正吾無間然

稱其

子弟親若幼童

潜確類書王羲之深為從叔導所器嘗謂曰汝是吾家佳子弟天中記

蔡邕曰邕薄祜早喪二親年踰三十鬢髮二色叔父親之猶若幼童車則對坐食則比豆

索太常

傳詠傀儡詩

宋齊語錄梁特進沈約撰史王希聘常問曰從叔太常何故無傳約戲之曰賢

從叔者何可載答曰從叔惟忠與孝君當不以忠孝為美約有慚色瘦竹齋談藪韓侂冑冬月攜家游西湖

覽南北二山之勝宴南園同族判院與馬席間有獻牽絲傀儡為土偶負小兒者名為遊春黃胖韓顧族子汝名能詩可詠此即承命一絕云脚踏虛空手弄春一人頭上要安身忽然線斷兒童手骨肉都為陌上塵韓大不樂不終宴而去未幾禍作

事祖如父

以序襲封

臧榮緒晉書王沉字處道

少孤為從叔司空昶所養沉事昶如父 虞預晉書荀

崧從弟旭早亡二息序歟年各數歲崧迎與共居恩同

其子太尉臨淮公荀顗國廢絕朝廷以崧屬近欲

以崧子襲封崧哀序孤微乃讓封于序聞者稱焉 終

為令器 戒奪鄰居 元史姚燧三歲而孤育于伯父樞

令器也長自有成年十三受知于許衡好學能文歷官

翰林學士承旨 明語林三原王端毅公恕見子姪置

田宅皆鄰居業也呼而讓之曰某某皆我故舊 任職

豈宜奪之俾遠去乎召之還給以原券不問價

宮官 著名別駕 後漢書侯霸字君房族父淵以官者

書號曰太常侍 晉書顧球有令名為州

別駕族叔榮謂之曰卿速步君孝超卿矣

叔姪四

增囑立兄子

左傳宋穆公疾囑兄子與夷曰先君舍與夷而立寡人寡人不敢忘若棄德不讓是

廢先君之舉先君若問與

封頡羹侯

漢書漢高祖微

夷其將何辭以對乃立之

賓客過其丘嫂食嫂厭之陽為羹盡客去已而視釜中

尚有羹由是怨嫂及立齊代王而伯子獨不得侯太上

皇以為言高祖曰某非敢忘之為

反自捶

後漢書淳

其母不長者封其子信為頡羹侯

卒恭養孤幼教訓學問有不如

原推與田宅

後漢書

法反自捶以感悟之兒慙改過

伯達推田宅與

廣受之榮

漢書疏廣為太子太傅兄

伯父身自寄止

辭辟命辟叔父

後漢書劉矩有高節以叔父達未仕

遼為諸公所辟至

貞潔之質

陳留者舊傳奚彌字伯

太尉號為賢相

陰從事與俱獵縣進酒肉彌不肯嘗問其故荅曰聞之臨其事不食其食蘭然其言還而不受貞潔之質由是以彰

吾家千里駒

魏志曹休字文烈太祖姪子太祖曰吾家千里駒

光我

叔父

晉書謝安嘗欲詣陸納納兄子俶密為具食安至納設茶果而已俶遂陳盛饌客罷納大怒杖四十

曰不能光益叔父而乃穢我素業

符家千里駒

晉書符朗字文達堅從兄子也堅嘗目之

曰吾家千里駒

請易弟子

口口張範字公儀子凌及弟子纖為山賊所執範詣賊賊還範子範

曰君厚矣吾憐纖小請以易之賊美其言感而悉還之

增幼稱幹略

南史垣崇祖為垣護

之弟之子年十四有幹略護之曰此兒必大吾門

吾家明珠

宋書劉孺七歲屬文叔父瑱常

置座側謂賓客曰此吾家明珠也

可稱佳器

南史謝密字弘微童時精詳端審時然後言叔

父混見而異之曰此兒深中夙

敏可成佳器有子如此足矣

剖竹赤城李白詩我

城邊赤

端笏馬前

彙苑柳仲郢事叔公權如父為京

字以起之

唐書柳公綽始生之時伯父子華曰

與

均指使

唐書盧邁叔下邳令休沐過家邁終日與羣子

娶無子咸勸畜姬媵對曰兄

堪寄門戶

唐書任瓌父

為定遠太守瓌早孤忠撫愛甚常曰吾

二父重鎮唐書

子雖多傭保耳所以寄門戶者瓌也

韓弘子公武從弘入朝為金吾將軍弘出河中弘弟重

固辭改右驍

推叔叙宗

舊史羅威賦詠甚有情致錢

衛大將軍

塘羅隱有盛名自號江東生

威遣使賂遺叙其宗姓推為叔父威
酷嗜其詩目已所為為偷江東集

叔姪五

原詩齊王融贈族叔衛軍詩曰台曜澄華鉉岳裁峻經
天為象麗地作鎮不器其德有斐斯文質超瑚璉才逸
卿雲搖筆泉湧動詠靈紛德馨伊何如蘭之宣貞筠抽
箭潤璧懷山六樂畢該五禮備貫七訓是敷三英有榮
惟旦惟公惟公惟旦 增唐李嘉祐送王牧往吉州謁
王使君叔詩曰細草綠汀洲王孫耐薄遊年華初冠帶

文禮舊弓裘野渡花爭發春塘水亂流使君憐小阮應
念倚門愁 宋黃庭堅送姪隨侍詩曰莫去沙邊學釣
魚莫將百丈作轆轤清江濯足江上坐燕子日長宜讀
書

原書後漢馬援誡兄子書曰吾欲汝曹聞人過失如聞
父母之名耳可得聞而口不可得言也好論議人長短
妄是非正法此吾所大惡也寧死不願聞子孫有此行
也汝曹知吾惡之甚矣所以復言者施衿結褵申父母

之誠欲使汝曹不忘之耳龍伯高敦厚周慎口無擇言
謙約節儉公正有威吾愛之重之願汝曹效之杜季良
豪俠好義憂人之憂樂人之樂清濁無所失父喪致客
數郡畢至吾愛之重之不顧汝曹效之也效伯高不得
猶為謹飭之士所謂刻鵠不成尚類鶩者也效季良不
得陷為天下輕薄子所謂畫虎不成反類狗者也張
奐誠兄子書曰汝曹薄祜早失賢父財單藝盡今適喘
息聞仲社輕傲耆老侮狎同年極口恣意當崇長幼以

禮自持間燉煌有人來同聲相道皆稱叔時寬仁聞之
喜而且悲喜叔時得美稱悲汝得惡論經言孔子於鄉
黨恂恂如也恂恂者謙恭之貌也經難知且自以汝資
父為師汝父寧輕鄉里耶年少多失改之為貴蘧伯玉
年五十見四十九年之非但能改之不可不思吾言不
自克責反云張甲謗我李乙怨我我無是過爾亦已矣
增魏王昶誠兄子及子書郭伯益好尚通達敏而有
智得其人重之如山不得其人忽之如草吾以是親之

昵之不顧兒子為之北海徐偉長不沽高名不求苟得
澹然自守惟道自務有所是非則託古人以見意當時
無所褒貶吾欽之重之顧兒子師之 宋司馬光與姪
書近蒙聖恩除門下侍郎舉朝忌嫉者何可勝數而獨
以愚直之性處於其間如一黃葉在烈風中幾何不危
墜也是以受命以來有懼而無喜汝輩當識此意倍須
謙恭退讓不得恃賴我聲勢作不公不法攪擾官司侵
凌小民使為鄉人所厭苦則我之禍皆起於汝輩而汝

輩亦不如人也

宗族一

增白虎通曰宗者何謂也宗尊也為先祖主也宗人之所尊也大宗能率小宗小宗能率羣弟通於有無所以紀理族人者也宗為其始祖後者為大宗此百世之所宗也宗其為高祖後者五世而遷者也高祖遷於上宗則易於下宗其為曾祖後者為曾祖宗宗其為祖後者為祖宗宗其為父後者為父宗以上至高祖宗皆為小

宗以其轉遷別於大宗也別子者自為其子孫為祖繼別也各自為宗小宗有四大宗有一凡有五宗族者何也族者湊也聚也謂恩愛相流湊也生相親愛死相哀痛有會聚之道故謂之族 韻會曰祖始也始受命也

宗尊也有德可尊也古者大宗小宗大宗百世不遷小宗五世則遷又流派所出為宗 毛詩曰麟之角振振公族 書曰以親九族九族既睦 又曰時庸展親

禮記曰庶子之正於公族者教之以孝弟睦友明父子

之義長幼之序 又曰尊祖故敬宗敬宗故睦族 又

曰君子因睦以合族 周禮曰小宗伯掌三族之別以

辨親疎注云三族父子孫也 又曰以八刑糾萬民三

曰不睦之刑 爾雅曰父黨為宗族 左傳曰官有世

功則有官族 老子曰六親不知有孝慈 漢書匡衡

傳曰天序五行人親五屬即五族也 漢記曰犬牙相

制所謂磐石之宗也 漢雋曰宗英謂宗族之英俊也

北史張普惠傳曰三從九親別疎昵之序五服六親

等總麻之心 唐書曰一姓為九宗 藝文曰五陵皆
昂族謂盛族也 李華曰良家茂族 彙苑曰郊廟或
替則宗哲慕其祀焉宗哲宗族之明哲也

宗族二

增山堂肆考曰列國齊大族二懷輿田也楚大族三昭
屈景也 世說曰孫皓問丞相陸凱曰卿一宗在朝者
幾人陸曰二相五侯將軍十餘人皓曰盛哉陸曰君賢
臣忠國之盛也父慈子孝家之盛也今政荒民弊覆亡

是懼臣何敢言盛 先賢傳曰許劭宗人許相沉沒榮
利致位司徒舉宗莫不匍匐其門承風而驅官以賄成
惟劭不過其門 晉傳曰王導渡淮使郭璞筮之曰吉
無不利淮水絕王氏滅其後子孫繁衍竟如璞言 晉
書曰汜毓字稚春濟北廬人奕世儒素敦睦九族時人
號其家兒無常父衣無常主 天中記曰謝氏自晉以
降雅道相傳景恒澹景仁裕以德業傳美景懋純景先
述以節義流譽方明行已之度元暉藻繪之奇各擅一

時可謂德門矣靈運才名江左獨振而猖獗不已自致覆亡新唐書曰初唐太宗以山東士人尚閥閱嫁娶必多資人謂之賣婚詔高士廉韋挺岑文本修氏族志參考史傳檢正真偽進忠賢退悖惡先宗室後外戚退新門進舊望右膏粱左寒畯合九百二十三姓千六百五十一家升降去取時稱允當至高宗顯慶中許敬宗等以為其書不敘武氏本望奏請改氏族志為姓氏錄以后族為第一等其餘悉以仕唐官品高下為準於是

士卒以軍功致位五品者與士流時人謂之勲格 山
堂肆考曰後魏太和中定四海望族以崔寶等為冠
北史曰李氏宗黨豪盛每春秋二社必高會極宴無不
沉醉喧亂嘗集士謙所盛饌盈前而先為設黍謂羣從
曰孔子稱黍為五穀之長荀卿亦曰食先黍稷古人所
尚寧可違乎少長肅然 遼史曰耶律吼以功加採訪
使賜以寶貨吼辭曰臣位已高敢復求富臣從弟璟諸
子坐事籍沒陛下哀而出之則臣受賜多矣世宗曰吼

舍重賞以族人為請其賢遠甚許之仍賜宮戶五十
明紀曰太祖問鄭濟曰汝家十世同居何以得此濟曰
惟不聽婦人言耳太祖嘉歎

宗族三

原葛藟 杜杜詩序刺桓王也周室道喪棄其九族 本

根 枝葉左傳叔向曰肝聞之公族將卑其宗族枝葉

公子樂豫曰公族公室之百世九宗詩本支百世

九宗九御侮亢宗左傳周之有懿德猶懼有外侮

太叔曰吉不能亢身安能亢宗

增末屬

齊名

漢書成帝時王氏愈盛劉向謂陳湯曰今

災異如此而外家日盛其漸必危劉氏吾幸得以同姓未屬累世蒙漢厚恩身為宗室遺老歷事三主上以我

先帝舊臣每進見常加優禮吾而不言孰當言者唐書孔至明世族學與韋述蕭穎士柳沖齊名撰百家類

例以張說等為近世新族說子相方有寵怒曰天下族姓何與若等而妄紛紛耶

通巢遺

絹事文類聚郭雋字弘文太原人家門雍穆七世同居公自政府歸姑蘇焚黃搜外庫惟有絹三千匹令掌吏

錄親戚及閭里知舊自大及小散之皆盡曰宗族親戚

見我生長幼學壯仕為南阮北舍晉書阮咸與籍我助喜我何以助之哉

道北阮富而南阮貧咸與從子修特相善每以得意為歡諸阮皆飲酒咸至宗人間共集不復用杯觴斟酌

以大盆盛酒圓坐相向大酌更飲羣從昆弟莫不以放
達為行也南史謝密字弘微繼從叔峻義熙初襲爵

建昌縣侯弘微家素貧儉而所繼豐泰惟受數千卷書
國史數人而已遺財祿秩一不關預混聞而驚歎謂國

郎中令漆凱之曰建昌國祿本應與北舍共之國侯既
不厝意今可依常分送弘微重混言乃少有所受北舍

弘微本家也謝混特敬分田奉廩唐書蕭瑀闕內
貴弘微號曰微子焉

家至是還給之瑀盡以分宗族唐書蘇
頔性廉儉奉廩悉推散親族儲無長貲擊鼓寫

書梁書張寬兄弟八人於東都置八院相對甥姪亦有
名常擊鼓會飯舊唐書太府卿李襲譽性嚴整凡

獲俸祿必散之宗親其餘資多寫書而已及從揚州罷
職經史遂盈數車常謂子孫曰吾近京城有賜田十頃

耕之可以充食河內有賜桑千樹蠶之可以充衣江東
所寫之書讀之可以求官爾曹但能謹此三事亦何羨

於人給餉共財宋書李昉子孫數世至二百餘口猶同居共爨田園邸舍所收及有官者

俸祿皆聚一庫計給餉漢書樊重世善農稼好貨殖三世共財上下戮力財利數倍貲至鉅萬外孫何氏爭

財重深恥之以原不獨親無絕愛大道之行不獨

田二頃解其訟情雖不增光德里百口橋賈氏談

隱各親其親崔倕總麻親三世同爨貞元以來言家法者以倕為首

同無絕其愛親之道也生六子一登輔相五任大僚太常卿邵太府卿鄧外臺

尚書郎鄧廷尉卿郇執金吾鄧左僕射平章事鄧而郇

及鄧五知貢舉得七百四十人郇昆仲自貴達亦同居

光德里一宅吳地記東溪顧訓所居

鄉人共議近宅造百口橋以彰孝義婚姻不通

贈賻有正禮曰庶別姓于上戚單于下婚姻可以通乎

子曰繫之以姓而弗別綴之以食而不殊雖

百世而婚姻不通周道然也言雖疎遠不可通婚也繫
之謂宗籍也戚單言親盡漸疏也至於贈聘承命皆
有正焉注謂宗族之三族不虞六世則竭儀禮請

期曰唯是三族之不虞注三族父昆弟已昆弟子昆弟
禮四世總服之窮也五世袒免殺同姓也六世則親

屬竭

原蘇秦散金

范勝施財

史記蘇秦既歸散金
宗族范勝字無忌

散財五百萬

增顧陸張朱

崔盧王謝

唐書吳四姓
舊目張文朱

武陸忠顧厚

世說吳郡有陸顧朱張為四姓三國之
唐書高士廉定氏族以崔幹為第一太

宗曰昔齊據河北陳據江南故以崔盧王謝為重

四

四

會三會

大宗小宗

山堂肆考古者世祿之家合族而
食者以服降二等齊衰一年四會

食大功一年三會食小功一年再會食總麻一年一會
食服盡則不及焉非祭族而會食也禮大傳別子為

祖繼別為宗繼禰為小宗注云別子為祖者謂公子若
始來在此國者後世以為祖也繼別為宗者別子之世
嫡也族人宗之謂之大宗是宗子也繼禰為小宗
宗者謂父之嫡子也兄弟宗之故謂之小宗王氏

兩宗 裴家三春

山堂肆考王氏有兩派一派漢王舒
之後有王融融二子祥覽覽從兄雄

雄生二子渾又渾生戎封安豐侯又生衍為尚書令覽
六子長子裁生藻四子正生曠曠生逸少此琅邪臨沂

王氏也一派漢代郡守王澤之後澤生祖祖四子渾深
淪湛渾四子尚濟澄汶湛子承承子述述子坦之世封

藍田縣侯故時稱述為王藍田此晉陽太原王氏也以
後王姓者皆出此二族云五代裴皞傳裴氏自晉魏

以來世為名族居燕者號東眷居涼者號西眷居河東
者號中眷又氏族大全裴遵從光武平蜀曾孫茂為

侍中又為尚書生二子長曰輯號東春
次曰徽號西春徽曾孫天明號中春

宗稱太傅

姑事女巫

文選注劉宋謝康樂稱謝太傅安為宗衮
唐書趙彥昭遷中書侍郎同平章事中宗時

有女巫趙氏挾鬼道出入禁掖彥昭認為同宗以姑事之其得宰相巫之力也

遙遙華胄

悠悠世祚

南史梁何昌寓為吏部尚書有姓閔求官者
昌寓問君是誰後對曰閔子騫昌寓掩口而

笑曰遙遙華胄

唐高倫傳贊風教既薄譜錄都廢人

靡常產之拘士亡舊德之傳言李恣出隴西言劉恣出

彭城悠悠世祚

祚訖無考按

假蔭求官 同譜銜怨

孔帖李懷遠少

高蔭懷遠退謂人曰因人之勢高士之恥假蔭求官豈

吾志耶新唐書杜正倫與城南諸杜昭穆素遠求同

譜不許銜之諸杜所居號杜固世傳其地有旺氣故世
多衣冠正倫既執政建言鑿杜固以通水利既鑿川流

如血閱十日乃止
自是南杜稍不振

乞列屬籍

遜還告身

唐書李叔明本姓嚴

氏少孤養外家冒姓鮮于叔明初不知意醜之乞宗姓
列屬籍代宗從之夢溪筆談狄青為樞密使有狄公姓

之後持梁公畫像及告身十餘通詣青獻之以為青之
遠祖青謝曰一時遭際安敢自附梁公厚贈而遣之

異派同根

殊鄉異井

李密與高祖書與兄派流雖異根系本同下見黃山谷

贈黃成

百人共爨

七世同居

魏書楊播一家之內男女百口總服同爨

庭無間言魏世以來惟有盧淵兄弟及播昆弟當世莫
逮焉魏書博陵安平李几七世同居共財家有二十

二房一百二十八口長幼濟濟風禮
著聞至於作役卑幼競進鄉里嗟歎

先賢後哲

澤

底岡頭

魏書郭祚字季祐魏郭淮弟亮後也從高祖幸長安行經渭橋過郭淮廟問祚曰是卿祖宗所

承邪祚曰是臣七世伯祖高祖曰先賢後哲頓在一門
祚曰昔臣先人以通儒英博逮事魏文徵臣虛薄遭逢
明聖自惟幸甚因勅以太牢祀淮廟令祚自撰祭文
國史補四姓鄭氏不離滎陽國頭盧澤底李土門崔皆
為鼎族太原王亦四姓之匹而

鳥咸爭樹犬亦共

牢事文類聚劉君良四世同居隋末荒饉妻勸異居因
易置庭樹鳥巢令闢且鳴妻曰天下亂禽鳥不相容

況人邪君良即與兄弟異居月餘知其謀斥去妻兄弟
流涕以告復同居南唐書江州陳氏宗族七百口每

食設廣席長幼以次坐而食之有畜犬百
餘亦共一牢食一犬不至諸犬為之不食
大疏小疏

南鄭北鄭前傳疏廣與姪疏受歸鄉里共設酒食請
族人故舊相娛樂居歲餘廣子孫竊謂其

昆弟老人請立產業老人即為廣言廣曰吾豈老悖不
念子孫哉賢而多財則損其志愚而多財則益其過此

金聖主所以惠養老臣故樂與鄉黨宗族共享其賜以
盡吾餘日不亦可乎因話錄太傅鄭綱第在南出自
南祖司徒鄭真公第在北出自北祖時謂南鄭相北鄭
相司徒堂兄丈憲公前後相德宗謂之大鄭相小鄭相

右族名門

膏梁華腴

世族論三世有三公曰膏梁
工見柳仲郢家訓唐柳芳

有令僕曰華腴總
言家世之富貴也

鼎鑊作糜

郊原會食

時錄異傳周
尹氏貴

族數代共居食口數千嘗遭饑荒羅鼎鑊作糜之聲聞
數十里中臨食失三十人入鑊中壑取鑊底糜飯鑊深

大故人不見也唐書崔元暉三世不異居家人
怡怡如也貧寓郊墅羣從皆自遠會食無他羹不

分母乳

弗聽婦言

元史張閏八世不異羹家人百餘
口無間言日使諸女諸婦各聚一

室為女紅工畢斂貯一庫室無私藏幼稚啼泣諸母見
者即抱哺一婦歸寧留其子眾婦共乳不問孰為已兒

兒亦不知孰為已母
下鄭濟事見前
衣服之有冠冕
水木之有本

源
彙苑喻人之有宗族然後貴重猶衣服之有冠冕也
又曰喻人之有宗族然後久長猶水木之有本源

也
富貴不加宗子之門
寶玉分于伯叔之國
禮適子庶

子祇事宗子不敢以富貴加于宗子之門以寡約入必
獻其上而服其次若非所獻則不敢入宗子之門宗子

正宗敬宗者也
尚書分寶玉于伯叔之國

宗族四

原恩以掩義
禮門內之治以恩掩義

分有等殺
傳庶人工商各有分親皆有等

殺分扶問
禮祖遷于上宗易于下故
宗易於下
敬宗所以尊祖也易疎也
吾

宗

左傳曰晉吾宗也豈害我哉

懿親

左傳雖有小懿親

展親

尚書時

棄親

周鞏簡公棄親用羈用卿士也

族盡

左傳楚公子比族盡親叛可謂無主也

親以飲食之禮

周禮大宗伯以飲食之禮親親宗族兄弟注人君有食宗族之禮以親之又文王

世子曰族食世降一等

增高陽苗裔

離騷經帝高陽之苗裔今朕皇考曰伯庸

奪

宗奪適

漢書梅福曰諸侯奪宗聖庶奪適注奪宗始封之君尊為諸侯則奪其舊為宗子之事也奪適

謂文王舍伯邑考而立武王也

爭先後

世說晉王導與諸葛恢戲爭氏族王曰人言王葛不言葛

王何也恢曰譬如驢馬驢能勝馬乎

人倫之盛

南史王弘傳論晉自中原沸騰介居江左其初

諺云王與馬共天下蓋王氏人倫之盛實始是矣及休元弟兄並舉棟梁之任下逮世嗣無虧文雅之風其所

以簪纓不替
豈徒然也

禁婚高價

山堂肆考唐高宗詔山東六族不得自為婚姻然終不能

禁其哀宗落譜往往反
自稱禁婚家益增高價

忍字百餘

唐書張公藝九世同居高宗臨幸其

家問所以能同居之故公藝書忍
字百餘所以進上善之賜以綵帛

尊為父兄

唐書李義府已

貴乃言系出趙郡與諸李敏昭穆嗜進者
往往尊為父兄給事中李崇引與同譜

族清冑貴

孔帖杜牧鄭處晦
制曰族清冑貴

望閥高華

孔帖蕭復望閥高華

旌以義門

宋史陳競安德人十八世
同居太祖旌其門曰義門

宗族五

原詩梁何遜贈族人秣陵兄弟詩曰吾宗昔多士文雅

高縉紳小子無學術丁寧困負薪傍枝實紛亂領袖寄
親姻名價齊兩許閨門比三陳風力咸通邁藝業並紛
綸元方振高羽洛令初解巾自爾典名郡所在號清淳
齊兒敢為俗蜀物豈隨身祿俸不妻子謳吟乃吏民孰
云穢明德惟在中聖人若能遺酌我稱首當屬仁仲將
本特達坎壈猶賤貧方成天下士豈伊席上珍外情或
簡易內鑒甚人倫時然臨下邑摘伏信如神顧余晚脫
略懷抱日湮淪游宦疲年事來往厭江濱十載猶先職

一官乃任真土牛竟不進芻狗空重陳羈旅無儔匹形

影自相親蕭索高秋暮砧杵鳴四鄰霏霏入牕雨漠漠
暗牀塵所思不可見邈若胡與秦願子加餐飯良會在
何辰 又仰贈從兄興寧真南詩曰家世傳儒雅貞白

仰餘徽宗派已孤狹財產又貧微棲息同蝸舍出入共
荆扉松筆時臨沼蒲間得垂帷幸逢四海泰日月耀增
輝相顧無羽翮何由總奮飛一朝異言宴萬里就睽違
遠江飄素沫高山鬱翠微相思對淼淼相望隔巍巍死

灰終不然長岑且未歸當憐此分袂脉脉淚沾衣 增
晉陶潛贈長沙公族祖詩曰同源分流人易世疎慨然
晤歎念茲厥初禮服遂悠歲月眇徂徂感彼行路眷焉躊
躇於穆令族允構斯堂詣氣冬暉映懷珪璋爰采春花
載警秋霜我曰欽哉實宗之光

增書梁王筠與諸兒書曰史傳稱安平崔氏及汝南應
氏並累葉有文才所以范蔚宗云崔氏雕龍然不過父
子兩三世耳非有七葉之中名德重光爵位相繼人人

有集如吾門者也汝等仰觀堂構思各努力焉

增序宋黃庭堅贈黃成之序曰余之竄嶺南道出衡陽見主簿君益陽黃成之問宗派乃同四世祖兄於是出嫂氏子婦相見喟然念高祖父之兄弟未遠也而殊鄉異井六十歲而後相識亦可悲也

增論唐柳芳氏族論曰氏族者古史官所記也昔周小史定世系辨昭穆故古有世本錄黃帝以來至春秋時諸侯卿大夫名號繼統左邱明傳春秋亦言天子因生

以賜姓胙之土命之民諸侯以字為氏以謚為族昔堯
賜伯禹姓曰姒氏曰有夏伯圻姓曰姜氏曰有呂下及
三代官有世功則有官族邑亦如之後世或氏于國則
齊魯秦吳氏于謚則文武成宣氏于官則司馬司徒氏
于爵則王孫公孫氏于字則孟孫叔孫氏于居則東門
北門氏于志則三烏五鹿氏于事則巫乙匠陶秦既滅
學失其本系漢興司馬遷父子修史記因周譜明世家
乃知姓氏之所由出魏立九品置中正尊世胄卑寒士

權歸右姓晉宋因之始尚姓焉周建德氏族以四海通
望為右姓隋開皇氏族以上品茂姓為右姓唐貞觀氏
族志凡第一等則為右姓路氏著姓略以盛門為右姓
柳冲姓族系錄凡四海望族則為右姓不通歷代之說
不可與言譜也

增記宋錢公輔范文正公義田記曰文正公方貴顯時
置負郭常稔之田千畝號曰義田以養濟羣族之人日
有食歲有衣嫁娶凶葬皆有贍擇族之長而賢者主其

計而時其出納焉 蘇洵族譜亭記曰匹夫而化鄉人

者吾聞其語矣國有君邑有大夫而爭訟者訴于其門
鄉有庠里有學而學道者赴于其家鄉人有為不善于
室者父兄輒相與恐曰吾夫子無乃聞之嗚呼彼獨何
修而得此哉意者其積之有本末而施之有次第耶今
吾族人猶有服者不過百人而歲時蜡社不能相與盡
其歡欣愛洽稍遠者至不相往來是無以告吾鄉黨鄰
里也乃作蘇氏族譜之亭于高祖墓塋之西南而刻石

焉 陸游義莊記曰美哉吾子之志也人之情於其宗

族遠則疎之彌遠則益疎而至于忘之蓋以身為親疎而不以先人為親疎也視兄之子或不若已之子已之子與兄之子自吾父視之有異乎能以父之心為心則已之子與兄之子且不知其同異矣推而上之大父之孫為從父兄弟曾大父之曾孫為從祖兄弟及推而上之至於無服雖天下長者不能無親疎之殺矣於乎制服不得不若是也若推上世之心愛其子孫欲使之衣

食給足婚嫁以時欲使之為士而不欲使之流為工商
降為皂隸去為浮屠老子之徒則一也死而有知豈以
遠而忘之哉義莊之設蓋基于是 朱子劉侯義學記
曰今士大夫雖廩有餘粟府有餘錢能無為州郡害足
矣固未暇以及人也如劉侯者身雖寵而官未登于六
品家雖溫而產未至于千金其所以用心乃如此可謂
賢遠於人而亦可以見其前日德安之政不為無本而
非徒以聲音笑貌為之矣

御定淵鑒類函卷二百四十五